

135 羅國相似。言音不同。土地足駝騾「羊馬氍布之類。節氣甚冷。又從烏長國。

東北入山十五日程。至拘衛國。彼「自呼云奢摩褐羅闍國。此王亦敬信三寶。有寺有僧。衣著言音。與烏長國」相似。著氍衫袴等。亦有羊馬等也。又從此建馱羅

國。西行入山七日。至覽波「國。此國無王。有大首領。亦屬建馱羅國所管。衣著言音。與建馱羅國相似。」亦有寺有僧。敬信三寶。行大乘法。又從此覽波國而

140 行入山。經於八日程。至罽賓國。此國亦是建羅馱王所管。此王夏在罽賓。逐涼而坐。冬往建馱羅。趨暖而「住。彼即無雪。暖而不寒。其罽賓國冬天積雪。爲此冷

也。此國土人是胡。王及兵馬「突厥。衣著言音食飲。與吐火羅國大同少異。無問男之與女。並皆著氍布衫」袴及靴。男女衣服無有差別。男人並剪鬚髮。女人髮在。土地出駝騾羊馬驢牛「氍布蒲桃大小二麥鬱金香等。國人大敬信三寶。足寺足僧。百姓家各竝造寺。」供養三寶。大城中有一寺。名沙糸寺。々中見佛螺髻骨舍利見在。王官百姓每日供「養。此國行小乘。亦住山裏。山頭無有草木。恰似火燒山也。

又從此罽賓國西行「七日至謝颯國。彼自呼云社護羅薩他那。土人是胡。王及兵馬。即是突厥。其」王即是罽賓王姪兒。自把部落兵馬住於此國。不屬餘國。亦不屬阿